

# 【情人節系列】《我男友撞左嘢 ？》

作者: 年宵比卡超

# 人物調查報告(1)：

Mika (家蔚)

身份：學生，啊燁戀人

飾物：羽毛頸鍊「你知唔知你咁樣真係好自私！」

深信男友並不會只用一個短訊與自己分手。追尋中發現男友已經失蹤，但留下許多線索並遇見連串怪事。曾委托偵探社，但未能成功。心急下決定踏上找尋男友路途。到底條頸鍊？

啊婷身份：學生，Sam 戀人

飾物：十字架頸鍊

「無論我做錯過咩事，你都會原諒我？」

為啊燁前度。與其分手後，視別人感情之玩物，以別人受騙失望表情為樂。樂於破壞別人心靈，擅長於散布流言，因此令一名男同學自殺。得到Sam愛護並迅速發展成情侶關係。與Mika共同找尋失蹤男友。

啊賢

身份：學生

飾物：無

「妳仲有我呀！」

Mika

同學。生於小康之家，以自身條件吸引身邊不少異性，幾乎擁有學校所有異性的聯絡方式。對Mika有好感，但Mika極之討厭啊賢行為。每當Mika面對問題，他都願意主動為她解決。

Sam

身份：學生，偵探社社長，啊婷戀人

飾物：無

「對唔住！」家境富裕，討厭普通簡單。

即使家住學校附近，也堅持以座駕代步。身邊不乏異性但偏偏只對有男友的女生出手。因為興趣而建立偵探社，但自己卻從沒有參與調查任何案件。基於Mika委託而卷入事件？現時下落不明，疑似遇難。

啊敏

身份：學生，偵探社助理

飾物：無「既然係啊Sam 選擇，我願意默默咁守護佢身邊。」

Sam 學妹，對Sam 有好感。認為只要自己能夠為Sam 出一分力已經是幸福。為了啊Sam，能夠心狠手辣不顧後果。對Sam言聽計從，從不質疑。

啊燁

身份：學生，Mika戀人

飾物：不明

「呢個係我對妳一生既承諾！」

偶然下與Mika發展成情人，並視對方為自己所有，願意為對方捨身。對啊婷懷著強烈仇恨心。擁有與人心靈溝通的特別技能。現時暗中保護Mika，真人行踪不明。

細佬？

身份：不明

飾物：不明

「點解要咁對我？」

Mika

腦中細佬，實質為啊婷同學。因受不住啊婷散佈的留言而自殺身亡。真人與Mika並不認識。似是為著復仇對啊婷而來

女性身影

身份：不明

飾物：無

「你仲記得我嘛？」

Sam前度，因為Sam欺騙感情，自己亦愧對男友而自殺。

---

今日放學果陣，收到一個由男友send俾我嘅WhatsApp。

"Mika,我哋分手。我唔想再同妳一齊啦！"

喺校門前面我係咁喊，一個二個都係咁問我發生咩事。完全喊到收唔到聲，淨係識指住個whatsapp。

佢哋睇個msg都呆左再講『吓～前兩日你哋先見家長！妳有冇打去問下？可能佢俾人玩電話。』

我醒左下～「又係嗰～」我諗都冇諗就打返俾男友，但係幾次都係佢留言信箱。"你好，我係啊燁。而家唔得閒聽你既電話，我會盡快覆你"

點解冇人聽架？

『Mika,點呀？』眾人。

「打左幾次啦！」「平日佢都唔會Miss我call架！」

眼淚又流啦，喊到把聲有啲沙。

佢哋一人一句，真係冇心機聽。直到一個討厭嘅人出現，呢個女人叫啊婷。

得得戚戚咁講『又話你地好恩愛又點，仲話我hurt佢。佢飛左你呀？抵你有今日。』

仲揚起嘴角，轉身拖住隔離個男人行～

聽到呢句真係好想打佢一巴，但係我更擔心嘅人係小燁。

尋晚先同佢WhatsApp都好地地。巴絲們，佢係咪有咩事？定撞到嘢？我到而家都未搵到佢，我真係好擔心。有冇人幫到手？

隻眼喊完好腫，啲人喺度指指點點咁～

諗返之前ex 當住我面同第二個女人kiss，我喊到跪左喺度收唔到聲～

傻到求果個女人俾返個賤人～

好彩呢個時候遇到小燁，……咦！眨左下眼睹，周圍嘅人變左個影??

完全聽唔到佢哋講咩！『Mika, Mika...』男聲!!

有人叫我？直至好似有人拍我膊頭～

『做咩叫極你都冇反應架？不如你返屋企休息下先！』

女性朋友好驚咁講聽到屋企呢個字，係啲～

俾佢地一言驚醒「屋企？係啦去佢屋企咪搵到佢，起碼都俾我知佢平安。」『而家都成六點幾啦，你返去先啦！聽日反正day off，大把時間。』

班女人一人一句唔可以，我唔可以失去佢～

「如果，果日佢遲十分鐘搵我，你地而家就唔會見到我！！」丟低呢句，我就轉身跑去火車站。

『不如我同妳去啦！』一把討厭男聲

「乜你知佢住邊咩？」一心急我就攞架啦...

『唔知，不過起碼有人陪妳嘛！』同我講嘢係一條死公叫啊賢，成日都晒自己有錢，我做咩都跟住晒。

俾我拒絕N次都唔夠，仲明知我有男友仲企上LT 個台同我表白。

頂！！成個場都odd

晒。呢個時間真係冇心機去應佢由佢跟住嚟。放學時間路上人都唔少人，去到火車站啲水貨客仲要頂住成條路。

估唔到啊賢好大聲咁話啲水貨客阻住晒，話會報海關拉佢地。啲水貨客聽到會俾人拉走都走唔切～

### 三

火車站周圍都好迫，特別係羅湖/落馬洲方向～

啊賢向我提議『不如我地搭去紅磡再座返轉頭，起碼有位坐。我好叻呀...』

「要座你自己座。」我鄙視啊賢明知我心急，仲講埋啲九唔搭八嘅建議。

忸真係唔用腦～上火車開始，啊賢就係咁講嘢。

又講到自己幾好幾叻，屋企又點有錢。真係頂佢唔順！！講到自己屋企有錢，識咩.....但我唔想知囉！！

「乜你搵返嚟嘅咩？」忍唔住窒佢一句...啊賢即刻收聲，自己玩電話～

過左火炭站，車箱已經冇咁迫。

不過啊賢就越企越埋。搏咩啫？「我忍夠啦！你企開啲得唔得？」

『OK～』佢成個down左咁～

火車行到吐路港果陣，身邊突然好涼。

周圍嘅乘客又係得個返影！！點解似足學校門口咁架??

『Mika, Mika.....』好熟悉嘅聲音...有人叫我？呢把聲係？係小燁～

我唔會認錯，一定係佢！！

「小燁？係咪你呀？你喺邊呀？」我完全無視仲有其他人，大叫出嚟～

『Mika, 妳冇事嘛？』吓？答我嘅竟然係啊賢～

「頭先我係咪大叫左出嚟？」我尷尬咁問佢指一指車箱。

『梗係啦，啲人以為妳係傻嘅，全部都走晒啦』『係我先永遠留喺妳身邊！』啊賢自豪咁講平日怕事嘅佢，竟然仲留喺度？

我對啊賢印象稍稍提升，對佢笑一下。不過忸始終係忸，永遠都借機會表現自己。

為左確認頭先嘅事，我問左個白痴問題。

「啊賢，頭先你有冇聽到小燁叫我？」

『小燁？邊個嚟架？妳男友？』佢好奇咁問呢下除左話自己白痴，真係冇其他嘢講。

我同小燁係同一間U，但唔同系，大家亦有自己圈子。

除左出pool飯同俾人撞到之外，我地既圈子跟本就唔會有接觸。諗返起啊賢嘅反應，佢咩都冇聽到？頭先我真係聽錯？

## 四

喺我苦惱緊果陣，報站聲響起～

"下一站粉嶺,Next station Fanling"

車門一打開，我就衝左出去～

出閘後就跑向小燁屋企方向。途中撞到幾多人我都唔理。

俾我撞到嘅人講咩？我完全無視左。

而啊賢就跟喺我身後，就好似追住我咁。

結果啊賢俾人拉停左～ 抵死！

小燁係住鐵路上蓋,我好快就去到佢樓下管理處。登記好晒先見到啊賢喘緊氣衝入嚟。

『先生，有咩可以幫到你？』保安問。

『我同呢位小姐一齊架。』我向保安員點頭示意。

『麻煩身份證登記。』搞好晒手續，同啊賢搭lift上去。

『妳知唔知，我俾人拉住。佢哋狂問我做咩追住妳～ 果下我都唔知點算好。』佢喺度抱怨話

「你而家出現咪得～」我唔想聽啊賢廢嘢～ lift門打開，我就衝去小燁屋企狂搵門鐘。

『嚟啦，嚟啦！邊個呀？』應門嘅係把女聲，係小燁媽咪。

『Mika？做咩你自己上嚟嘅？又唔講聲？等我執下啲嘢先嘛，周圍咁亂！你隔離呢位係？』Auntie 望住啊賢～

啊賢搶住咁講『Auntie！妳好，我喺Mika個FD。陪佢一齊搵小燁！』

「邊個俾你咁叫佢！？」我怒視啊賢。

Auntie 好溫柔咁話『入嚟先講啦，唔好企係度。』

「Auntie，我想問小燁去左邊？我好擔心佢！」

『個衰仔真係幸福，都唔知點解佢識到個咁靚又咁關心佢嘅女友。』Auntie 捉實我隻手

「不過佢頭先WhatsApp 話要同我分手！！嗚嗚～」講完我又眼紅紅咁喊出嚟。

小燁媽咪攬住我～



『呀～死衰仔，咁好嘅女友都唔要？Mika你唔好喊住，佢又唔係靚仔喎你先揀佢架炸！』

我即刻轉頭「咁小燁而家去左邊？」

『我都唔知，佢今朝淨係講左句要返去就走左。問佢嘢又唔答！』睇嚟小燁媽咪都有頭緒～「

吓～佢平日都好有交帶，點會呀！」我疑惑咁問～

『可能佢有新女呢。』啊賢用淫眼掃視我，示意要我揀佢～

妖！佢好煩。想喺我身上搵機會？下世啦～

連Auntie都無視佢再講『佢上次行完山返嚟就怪怪地。成日話好邪，又撞到乜。』

諗返起又係嗰，尋日星期三佢day off。

正常係佢會喺拉把等我一齊溫書再食飯。

佢淨係send左個WhatsApp話唔舒服唔洗我照顧，成個感覺好奇怪。

# 回憶: 1

就係咁勾返起段屬於我同小燁嘅回憶。

我隨手send個WhatsApp俾小燁。

我："我好唔舒服"唔夠五鈔，已經顯示online同輸入中...小燁："咁妳睇左醫生未？"  
"都係唔好,我過嚟煲粥俾妳食！

"我："唔洗啦，你專心準備聽日個midterm"

真係唔想佢為左我而分心，不竟今個Sem 對佢好重要。

小燁："Mika，midterm有好多個亦唔差在果少少分"

我："我小病啫"未小燁覆我乜之前就訓左，起身果陣就聽到廚房有聲。

『醒左喎，妳發燒呀！仲話冇事。』

溫柔語氣我摸一摸額頭，黏住左塊退熱貼。

「我屋企明明冇架，點解...」疑惑中～

一隻凍凍地嘅手放喺我頭上『因為見妳屋企冇，所以咪買囉。食完粥就落去睇醫生。幫妳登記好啦。』

佢真係好細心，咩都幫我安排晒咁。啲粥都好好食，係我最鍾意嘅豬骨粥。

到底佢用左幾多時間？仲記得同醫生講我最怕就係藥水味～

「可唔可以唔食藥？我唔想食～」我嗲佢

『唔得！一定要！！』語帶嚴厲

我唯有扁嘴食藥～

「你聽日有midterm，我食完藥你就返去溫書。」

『做得妳男友就預左成世愛妳，照顧妳！除非妳唔要我啦。』

小燁對我笑到笑真係令我好感動，揀佢係冇錯架。雖然佢唔係特別靚仔有錢，但有既係對我全心全意。唔似其他人有目的咁埋我身～

「應承我，以後你病左我都會照顧你，等你好返為止。」真係感動到喊出嚟

佢對笑住講『咒我病啲～』

「快啲啦！！」

『應承妳啦～傻妹！』溫暖嘅手放喺我頭上

「咩嘢～」

慢慢我就喺佢照顧下訓左，起身果陣已經係天光。

爸爸敲門入我房～

『你個男朋友仔，見我返嚟先走。仲煲左粥俾你送藥。呢啲男仔好少有架！』

講完對我單眼。

「我有你遺傳嘛～嘻！」

『啫係點？』爸爸奇怪望我一眼！

「就係一樣咁識揀人。」

『咁你得閒就帶佢上嚟食飯，我諗你媽咪都會鐘意佢～』

爸爸睇嚟都好鐘意佢～

小燁，你明明應承左俾我照顧！！

點解你要反口？

到底你係咪有咩事？

## 五

『Mika, Mika... 』

聽到小燁媽咪叫我先回神返嚟。

啊賢搶住嚟講『Mika 今日成日都呆下呆下咁。似有事多過啊燁喎！』

我再怒目啊賢再話「你可以唔出聲，由頭到尾都冇叫你跟住晒。頭先我係諗起小燁。」

眼淚真係忍唔住，成個氣氛冷左～

小燁媽咪打破冷局『好啦！傻女唔好再喊，個衰仔識到你真係幾生修道。都夜啦，不如喺度過晚？』

「多謝你Auntie，我怕爸爸擔心都係返去先。不如佢返嚟就叫佢打俾我，就算真係分手都好。」我都唔想阻佢咁耐

但係最後果幾個字，我細聲到幾乎冇人聽到。

『你真係乖女嘅啫～』

『放心Auntie,我會睇住Mika。』啊又嚟～

條死忒..... 算我唔同你嘈。

Auntie問『夜啦，不過叫我送你返去。你住邊架？』

「我好近架炸，就係果邊啲村屋。」

我指一下外面。

Auntie非常客氣咁講『咁近就多啲過嚟食飯啦，放心啦個衰仔好就返。』

雖然小燁媽咪話佢返嚟就會通知我，但我嘅不安感完全冇消失，並且係更加強烈。

落到樓下，我上左的士就即刻關門。

理都冇理過啊賢。只係隱約聽到佢講幾句嘢，大概就係話我唔理佢之類。

爸爸今晚OT, 媽咪又出左trip下星期先返。屋企就淨係得我同狗狗長毛。

平日長毛一見我返嚟就會嚟我，拉我去收埋零食果度。

佢就一反常態，見到我就係咁吠仲好驚咁周圍哩。

算囉～

唔餓就算。我冇理長毛直接行入房。

拎部電話出嚟先見到有N個WhatsApp。

大多數msg係來自班gossip girl。佢哋真係咩都可以講一餐，由天光講到天黑都唔收。

呢個group可以無視～

啊賢？可以無視～

一堆忒？成日問我做緊咩，無視～

我打開小燁個聊天記錄，諗住睇下佢有冇on過！

點知～上次上線時間？係今朝九點！！

明明我收到佢msg係下晝六點，點會咁架？

我send個果msg到而家都係一個tick，電話到而家都仲係留言信箱.....

坐喺床上等到我都訓左。

『Mika我愛妳。比起我嘅生命，妳對我嚟講更加重要！幫我照顧我屋企人。』小燁背住我講

我怒吼佢「你就咁走左去啫係點？無啦啦send個msg話分手而家仲要我照顧你屋企？到底你想點？知唔知我好擔心你？」

眼淚完全停唔到～

小燁就轉身過嚟攞實我，擦乾我面上嘅淚痕～

『對唔住。我真係好愛妳，忘記我。』

我想打小燁果陣，電話響起！

係咪小燁返左嚟？

咦？我摸下自己眼角，真係一條半乾淚痕。

# 六

頭先係發夢？

定係小燁真係嚟過？

唔理住聽電話先，小燁屋企打嚟。

"Mika？係咪你呀？"

係小燁媽咪呀～

「早晨 Auntie, 小燁係咪返左嚟？」

"我都唔知點答你好，個衰仔成晚都冇返過嚟呢度，嫻嫻又話佢冇返過去。" Auntie 唉聲嘆氣咁講

「咁而家佢喺邊？」我好緊張咁問～

呢個問題同冇問分別係唔大，但我都想係小燁媽咪口中聽到答案。

"我都想知，個衰仔行完山就奇奇怪怪咁！  
放低左本簿就出左去，之後就冇人搵到佢～佢返嚟，我實醒餐勁嘅佢！"

簿？唔通係佢平日寫故事果本？

「Auntie，本簿係咪紅黑色，寫住股東人工咁架？」

呢本簿佢一直放喺個袋度。

寫低每日發生嘅事，雖然大部份都係我同佢～

"係呀！你點知架？哎啲連我做人啊媽都唔知添。你好了解佢啫！"

「咁我而家過嚟你果度先，半個鐘後見。」

我肯定小燁唔會咁同我講分手！

仲有佢嘅體溫，氣味，確實存過喺我間房！！

~~~~~

大約二十分鐘，我就到左小燁屋企。

真係快到有啲誇張！

梗係啦，我連頭都未梳好呀，求其着件出得街嘅衫就算。

『妳就係Mika？又會咁快嘅？』成熟男聲

我俾眼前呢個男人嚇左跳～

我驚訝咁講「小燁！？」

佢地真係好似，只係多咗種蒼桑感。

『哈哈，估唔到佢女朋友仔都認錯。我係佢爸爸，入嚟先講。』世界好開心咁話

感覺佢睇穿我諗咩咁～

「Uncle Auntie！可唔可以俾我睇下本簿？」

我係咪有啲心急？

『冇問題，之但係仲有啲嘢想妳睇下！』世伯叫我行去小燁部notebook度

佢嘆氣咁講『前日佢對住部電腦係咁話邪仲唔肯離開部機，可能有啲線索都唔定。可惜我地冇人知道密碼。』

密碼？

到底係咩？？

好在小燁佢平日都成日唔記得嘢，所以密碼提示都打左啲嘢：Ipimporpplbir&dat

??

完全冇頭緒～

世伯喺呢個時候話『我哋唔係好識電腦，不過會唔會係幾個字嚟？』

我心諗“唔通係ip important people birthday&date？”

一於試下：mika5131009

密碼錯誤～

咁？Mikaka5131009？

果然密碼係咁！！前面係我個名同生日，後面係拍拖紀念日。

我更確信小燁肯定有事發生，個衰人唔會就咁走左去！！

世伯大笑『果然係女朋友仔，哈哈。』

「我都係估下啫。」

入到去個桌面真係嚇我一跳！！

呢啲相！？全部都係啲荒廢嘅地方～

紅色嘅月亮！？

好恐怖，仲有就係一堆地圖～

點解係呢張有條紅色線？

仲要係彩色圖？黃竹洋村？

一時間真係好多資料～

"Mika, Mika....."

係小燁叫我？

咦！我唔係喺小燁間房嘅咩？

呢度係？

山路？係小燁同佢朋友！！佢哋着住件行山衫嘅？

我知啦！佢哋又去左行山！！

「哼，黐死你呀小燁，搞到我周圍搵你！！」我黐到流眼淚

咪住！！點解佢哋完全聽唔到我把聲咁，仲越行越快。

快到我根本追唔到～

我仲跌左喺地度喊。

「點解要咁？你到左邊？我真係好掛住你.....嗚嗚～」我個心好痛

"Mika, Mika....."

我周圍望～

唔會搞錯，今次一定係小燁把聲。

之不過把聲.....



係由本簿傳出嚟？

我幾時拎住左本簿架？

# 七

我傻左咁對住本簿大叫「小燁，你係咪喺度？係就應下我！！」

膊頭俾人拍左下！？係世伯。

『Mika，妳冇事嘛？』

咦！！我又返返去小燁間房。

『頭先叫極妳都冇返應，諗咩諗到咁入神？』

明明見到佢哋架！仲有本簿～

「係啦uncle,小燁本簿呢？」

『吓～妳頭先咪打開左佢囉！仲口噏咁唔知講乜！』

我幾時打開？

呢頁係～佢星期二遇過嘅事！！

點解佢啲字咁奇怪架？

「uncle，頭先我一直坐喺度冇行開過？」我疑問

『係呀，妳一拎起本簿就口噏咁啦！』

頭先嘅係幻覺？

咁佢個Fd呢？同小燁一齊？

不如打去問下...

~~~~~

"你好，我係啊禧....."

點解又係留言架？唔通佢都出左咩事？

五分鐘後，電話響～

"Mika，妳搵我？"

係啊禧！！

「你係咪同小燁一齊？我搵唔到佢，佢屋企都冇返過！」我忍唔住問

"冇喎！果日行完山就冇見過佢啦。"平淡語氣

淨係小燁出左事！？

點會咁架？

眼淚完全控制唔到～

"Mika, 妳唔好喊住先啦。其實果日啊燁叫返醒我架炸！！唔係....."

一聽到關於小燁嘅事，我完全控制唔到情緒「到底係點架？你好講啦！！！！」

係我隔離嘅 Uncle , Auntie 見我咁大聲都呆咗。

"妳唔好嬲住先！....."佢繼續平淡語氣

啊禧講咗果日佢哋行山嘅事～

大約係佢哋喺個廢墟影相，之後一直搵唔返路出去。

就連指南針都冇反應。啊禧迷迷糊糊咁，仲叫小燁行返去個廢墟度。

好彩小燁推返醒佢，但係就搞到自己成身傷晒。

出返外面有返意識就到小燁怪怪地～

同佢講嘢都冇乜反應～

我沙住聲咁問「點解你要帶小燁去啲咁邪嘅地方？」

啊禧火火地"果度係妳條仔話要去架，仲有我哋都唔知行左幾多次！！！”

「Sorry, 我唔應該唔大聲！不過我真係.....」因為喊而聲音變得更沙

"明嘅，係啦！果日影嘅相有啲開唔到！”

吓？「開唔到？啫係點？」

"我問過朋友，佢哋都叫我唔好開！不過要開都有辦法嘅～"

「到底係咩相？！」

"就係果啲廢墟嘅相～"

小燁消失就係同個廢墟有關！？

「咁你所講嘅廢墟喺邊？」我堅定咁問

"大帽山！"啊禧好肯定咁講。

我決定要去搵返小燁！

無論邊個都唔可以阻住我！

# 八

「Auntie, 可唔可以借小燁啲行山嘢同佢本簿俾我？」

『冇問題，不過你要嚟做咩？』

仲洗問嘅～

「梗係去搵小燁返嚟啦！我諗佢出左事。」

世伯皺眉頭『既然佢喺果度出左事，妳仲走去？』

「點解……」

『點解我會知？咪就係妳頭先講個電話同妳奇奇怪怪咁。』

世伯真係好犀利，知道自己個仔出事都可以咁冷靜。

仲推斷到咁多事～

Auntie細聲咁講『Mika, 我哋都好擔心，但如果妳都有咩事咁點算？我諗大家都唔想妳出埋事～』

「小燁都係……」

我垂低頭，又忍唔住啲眼淚～

『妳咪話過啊燁咩都寫低嘅，不如睇下有咩線索先。』世伯真係好冷靜

係嗰！！點解我諗唔到架？

淨係見到啲字怪怪地，但係又冇睇過啲內容～

我把開本簿果陣～

咁～

跌左張卡片出嚟～

頭先喺本簿把聲就係叫我留意呢樣嘢？

卡片上淨係得個電話嘅！！

等等先！？

唔通小燁想叫我搵呢個人幫佢？？

~~~~~

咩頭粹都冇不如搵人幫下手，而且仲係小燁推薦。

電話好快就通左，係一把女聲～

呀～

不如話係把妹妹仔聲，好似十五六歲果種！

"歡迎致電，KC 偵探社。有咩可以幫到你？"

偵探社！？

背景好嘈！

「我想搵人，唔知……」

"啊敏你又做乜x 嘢？請你返嚟講電話呀！個個忙到x 晒街，仲唔過嚟幫手收錢！"

佢電話背景嘅男聲～

乜偵探社要人去收錢嘅咩？

嘩！咁多粗口架！！

"係……嚟啦！小姐，唔好意思！我轉頭覆返你電話。"

講完佢就收左線～

到底靠唔靠得住架！？

雖然而家啲差人仲危險過賊～

點都總好過我自己一個去搵！

『點呀Mika, 個電話係邊個嚟架？』世伯問

「係偵探社嚟！」

『估唔到你個仔又識幾多人啲，似足晒你呀！』

世伯向Auntie笑一笑～

『咁約幾時傾，收費呢？』

「未約，佢話轉頭先覆返我。」

老實講，我真係唔感同世伯Aunties講～

對呢個所謂偵探社真係十萬個唔放心！

# 九

「Uncle , Auntie 不如我返去等電話啦！都唔阻你地咁耐啦。」

見到佢地咁擔心嘅樣我咩都幫唔到，留喺度都冇用。

不如去搵下小燁嘅朋友～

話唔定有其他線索～

『咁好啦，妳自己都要小心。大家保持聯絡。』世伯好溫柔咁講

我點頭示意就帶住小燁嘅嘢離開。

冇幾耐，電話響～

邊個嚟？9XXX XXXX？！！

唔通係頭先個偵探？

唔會掛，連Office 都有？

"小姐，你好？我係KC 偵探社打返過嚟架。"係頭先果把聲女仔聲

今次個背景靜左好多～

「你係啊敏？」

"吓～請問你點知我個名架？"驚訝聲

「頭先有人叫你收錢嘛！！」忍唔住要窒下佢

咁嘅小細節都冇留意到，仲話偵探！

可靠性真係.....

"哈哈... 真係唔好意思！不如約個時間上嚟傾傾，另外講埋啲細節。"

「今日下晝得唔得？」

"冇問題，我地喺旺角啫。"

「咁五點啦，有冇咩要準備？」

真係未搵過偵探，要帶咩都唔知！



"Er.... 帶對象嘅資料就得啦！"語氣尤疑不定

佢連基本嘅自信都冇～

仲要靠佢幫手？

到底得唔得架？

# +

大約四點九，我已經到左～

「搞錯呀，又要搭電梯又轉lift！」

抱怨中～～～

等緊果陣仲俾個男人全身掃視～

頂，係俾佢視姦！！

一入到，我即刻企埋一面。但係佢仲係望住我，除左怒啤真係唔知可以點。

Omg, 仲要攞埋同我同一層！？好彩佢行出去先睹，唔係都唔知點算。

左轉右轉終於搵到間嘢～

麻鬼煩～

『估唔到你都幾準時喎。』座喺大堂既女仔對我講

「我唔想浪費任何時候，總之越快越好。呢度啲資料就係我想搵嘅人，錢唔係問題搵到佢就得。」

一心急講嘢就大聲左～

『唔洗心急，帶你去見boss先，佢會同你講晒所有嘢架啦。』個女仔對我笑一笑

「你唔係……」

個女仔打斷左我～

『其實我都係嚟幫下接電話，偵探係我師兄啊Sam。頭先你打嚟，我仲返緊工。』

我心諗“吓……呢間嘢連人都請唔起，完全唔覺會幫到手。唔理啦，都係搵啲專業嘅算。”

「都係算啦……」

我轉身想走果陣，有把男聲喺裏面叫我個名。

『Mika？』

係頭先條變態佬～

佢就係Boss？唔係掛，都係走人。

不過，睇清楚佢同啊敏好眼熟。

到底喺邊度見過佢？仲要佢知我個名。

「點解你知我個名架？頭先仲.....」

佢掃視我全身再講『我地成日都見架，係妳冇留意我啫。同埋頭先我睇清楚係咪妳啫。』

係啦，佢係果日啊婷拖住果個人！？

聽講又係條公，係女都approach~

都唔明啊婷點解為左佢唔要小燁，因為咁我先同到小燁一齊。

"Mika, 係佢啦！！"

又係小燁同我講嘢？

眨左下眼啫~

周圍突然之間好凍，好似俾冷氣直接吹住，陰陰涼涼。周圍都充滿住灰暗嘅霧氣，成個環境靜到連自己呼吸聲都聽到。

手汗？隻手好濕，仲有陣腥味傳出嚟。

低頭望見到本簿印左我指甲痕個位流出淡淡嘅紅色~

呢啲係血？嚇到我即刻放手~

"啪" 本簿應聲落地。

就係呢下，啊Sam背後插左隻手出嚟，係一隻充滿傷疤嘅手。

仲有把唔男唔女嘅聲~

"我等左好耐"

『呀呀呀呀！.....！！！！』尖叫聲

# 偵探啊Sam 篇 (自白)

偵探啊Sam 篇

呢一樣就係我贖罪既條件？係我對唔住你地。一切一切就由我去承擔，求你放過佢～

啊婷，希望你永遠都生活愉快！！

"你將所有嘢寫返出嚟就得。"

「就係咁簡單？」

"喺我改變主義之前好消失啦～"

呢一切就由我去講返俾大家聽～

# 十一

做咩周圍都咁大霧氣架？仲要個牆身起晒水洑囉。

搞到周圍都濕淋淋咁～

一定又係壞冷氣啦，間管理公司價就識加，嘢就冇樣做好。

今次唔投訴我就跟你姓～

難得啊敏話今日有生意我先返下嚟，鬼咩而家香港地仲有邊個搵私家偵探？

開左成年都係幾單無聊案，仲要係搵人通姦證據。

最衰都係口多同老頭講想自己搞生意～

又辛苦又麻煩，得閒喺學校溝下女唔好？

反正玩完咪算囉，最緊要冇手尾跟。

成個幾月都冇返過去，今日就早少少返去執下嘢～

咦～

今日運氣都唔錯喎，個女仔背面好正～

仲喺樓下等緊lift～

真係忍唔住要吸多佢幾眼～

啡色嘅長髮，仲要髮尾電左少少。一套黑色連身裙，對比住一對雪白到發光嘅長腳。

仲要有一陣由佢發出嚟嘅香味～

呢種係蘋果木？我最鍾意就係呢味。

淨係睇佢背脊已經Girlfriendable，唔會背多fan掛？

不過硬係覺得望住佢有啲心寒咁～

本身lift咁細唔應該吸佢，不過邊有男人忍到？

佢真係好香，正面…… 嘩！女神呀～

咪住，咁熟面口嘅！？

好似有佢IG嗰～

Oh shit，俾佢發現左仲怒俾我～

我都係忍唔住要偷望下佢，出都係走先。

廢事俾佢車兩把～

## 十二

「啊敏，今日果個咩客嚟？」

啊敏係我私人助手，唔係.....

係我師妹先啱～

『係個女仔嚟，case係搵人。』啊敏答。

女仔？唔通係頭先果個？

我懶懶閒咁話「咁招呼住佢先，五點先俾佢入嚟。」

有case 又煩，冇case 又煩。

『吓～』

唔理啦，啊婷打俾我。

順帶一提，啊婷係我新女友嚟。

"點呀！做緊咩呀？"

佢把聲又幾嗲下嘅，俾人嗲下真係幾爽。

「今日公司有嘢做咪返下去囉。」

"你唔好俾我知你去左玩！！"啊婷把聲突然劈爆爆咁。

掛住同啊婷傾電話我都唔記得左今日有客上嚟添～

『呢度啲資料就係我想搵嘅人，錢唔係問題搵到佢就得。』房外傳出一把女聲。

邊個咁霸氣？

把聲又幾甜嗶～

「啊婷，我做嘢啦。今晚見到再講！」

收左啊婷線我就行出去lobby。

做咩？我起晒雞皮嘅？

「Mika？」我驚訝。

咦！佢咪係學校個女神？

佢同條仔好sweet，連我都冇計～

『點解你知我個名架？頭先仲……』見佢有啲驚咁望住我。

我立刻解畫「其實我地成日都見架，係妳冇留意我啫。同埋頭先我睇清楚係咪妳啫。」

真係俾佢發現左，唯有死口唔認。

我錯覺？

咁細個地方啲霧氣重到咩都睇唔到咁滯。

佢做咩望到我實一實？唔通佢……

"啪" 佢本簿跌左落地，我心口好痛～

就好似俾人插穿左～

一定係錯覺！一定係！！！！

『呀呀呀呀！……！！』Mika尖叫。

仲呆左咁企喺度！？



# 十三

『Boss 你冇事嘛？』啊敏拍我一下。

啲霧氣消失晒，Mika 仲企喺度呆左嘅！？

「喂！Mika」

佢好疑惑咁望住我『頭先你.....都係冇嘢啦。都係入正題啦。』

一定係有啲嘢，不過佢唔肯講。

呢啲係我偵探嘅直覺～

「冇問題，聽妳講想搵人啲。唔知妳有冇帶埋佢啲資料嚟呢？」既然佢唔講唯有入正題。

跟住落嚟都係佢講自己搵到啲咩線索有咩資料咁，另外就係傾下啲收費。

『總之錢就唔係問題，越快搵到佢越好。』Mika 仍然好霸氣。

我滿有自信話「放心交俾我地KC 偵探社啦。我地一定會搵返妳男友。」

講完之後，女神聲都唔出就離開左。

佢正背面都係咁正，真係唔捨得佢咁快走。

『Boss，你面色好差！係咪唔舒服？』敏好溫柔咁講。

「我地聽日出發搵料，妳準備下。」

總係覺得今次唔會純搵人咁簡單，一時間又講唔到有咩問題！

諗諗下啊敏又話『但係聽日要交assignment 啲。我唔得呀。』

「放心我會幫妳安排。」

搵人做信差啫，冇難度～

「係呢，妳頭先有冇見到啲咩？」我嘗試問。

『唔明！』

妖，又呢句～

算數，頭先九成心理作用啫～

『Boss 咁聽日去邊？』

「大帽山！」

Mika俾嘅資料大多同大帽山有關，話唔定由佢個終點搵返轉頭會有啲咩線索。

偵探直覺話果度係關鍵～

我將啲資料交俾啊敏影印之後就離開左office，約左啊婷係唔遲到得。

唔係實俾佢黑我面～

## 十四

好彩約左佢睇旺角啫～

"叮" WhatsApp 響

"BB 到邊呀?" 附上自拍一張。

今日啊婷著左一身粉紅色嘅衫，件衫長到佢好似冇著褲咁。雖然佢冇女神咁正嘅長腿，但係身材上絕對係有過之而無不及。

"妳睇下後面"

啊婷轉身周圍望～

個樣真係好Cute，見到我仲即刻攞實我～

佢身上傳嚟蘋果木味，仲化左淡妝。本來已經好白嘅佢，今日顯得更白裏透紅。

平日啊婷都好hea架～

今日係節日咩？

『今晚我要食魚。』佢嚟我話。

同我對望仲嚟下我添～

「係啦，知道貓要食魚啦。」

聽我咁講佢鼓起塊面『你就貓，你全家都係貓！』

好彩一早叫左啊敏幫我book位啫，多人到呢～

『咦？呢份咩嚟架？』

我聲都未出就俾啊婷搶走左我手上個file。

「冇，個客啲資料嚟。俾返我啦！」

啊婷望到張相就開始黑面，仲要低頭唔出聲～

我個心好寒，周圍嘅目光完全冇友善可言。每個人都好似想殺左我咁，眼球充滿紅筋。

仲有就係猙獰表情，隻犬齒仲要咬住自己嘴唇。

感覺下一刻就要衝過嚟咁～

我一手搶返個file，再蓋返埋佢。

頭先係錯覺？

啲人表情轉得咁快嘅？

「婷，頭先啲人有冇望過嚟？」

『邊有人望啫！』啊婷伸個頭過嚟再講『Sam 你冇事嘛？成塊面都青埋嘅！！』

「冇事，快啲叫嘢食先啦。」

有種感覺啊婷係知道啲嘢，但係點解會同佢有關？

『其實果個係我ex .....』啊婷打破沉默。

「我咪話過我接受妳所有咩？」

『嗯。』

岩岩識佢果陣，講到個ex 勁賤。

但咁又點會做左Mika男友？

『我唔想你接觸佢。』佢好大反應咁。

做咩會咁大反應？

呢單係咁耐以嚟最有趣嘅case，仲可以喺Mika面前威返次。

冇理由而家先放棄。

飯後我再冇提起單案，啊婷亦冇再追問。

佢成晚都心事重重咁『Sam, 無論都好。應承我唔好離開我！』

「嗯！」

『無論我犯左咩錯都係？』

佢眼角帶有淚光～

我冇出聲回應，只係輕輕咁點左下頭。

到底啊婷今晚做咩？

仲有今日見到嘅又係咩？

# 十五

"叮叮叮叮" 電話聲 ~

邊個咁早打嚟！？

「妖！邊個呀？」最憎人喺我訓緊打嚟。

『做咩咁惡搞！！又話今日要去查案？』女聲俾我嚇一跳。

係啊婷！

我好奇問「點解妳會知架？」

『Er.....總之萬事小心啦。』講完佢就cut 左線

記憶中我方同過啊婷講今日去查案架啫！！

佢又會知嘅？

唯有send WhatsApp俾佢~

佢覆左句"冇嘢"就冇on 過。

今朝啊婷古古怪怪咁~

一出門口就見到啊敏，佢話『Boss 你今日好準時啫。仲諗住你會遲到添。』

「點可以咁諗我，我仲有時間買埋早餐架。」

我將手上嘅火腿腸仔搖幾下~

哈！仲有隻貓仔走過嚟望住我啲嘢食，叫我喂啲俾佢咁。

好啦，見妳咁得意就分條腸仔俾妳食啦。

"喵"

貓仔食得好開心，摸佢果陣叫聲有啲其怪。完全唔係普通貓仔尖尖地嘅聲，反而係似一個女人嘅叫喊聲。

嚇左我同啊敏一跳~

隻貓仔食完之後都唔肯走，一直死跟住我地。

神情仲有啲兇狠~

好彩拉住啊敏跑左上巴士，隻貓仔先跟唔到嚟。

"你地做咩咁多事？"

邊個同我講嘢？

一把女聲直接傳入我個腦。

把聲絕對唔屬於啊敏～

到底係邊個！？

我上氣不接下氣「返公司拎完嘢就出發啦。」

啊敏係咪跑得勁得滯，成個人呆呆地～

冇幾耐就到左公司～

一打開度門就傳嚟一陣好刺鼻嘅氣味！！

呢啲係咩味嚟架？

燒著嘢？仲要似係人地拜神果種！

「啊敏，係咪有陣燒嘢味？唔係邊度着左火嘛！？快啲打俾管理處！！」

"喵"

點解會有貓叫聲？

『冇啲boss, 邊有味呀？』啊敏好驚望向我。

冇味？我錯覺？

「咁有冇聽到貓叫聲？」

『Office

點會有貓呀？Boss！你今日好奇怪。你係咪尋晚同女朋友咩完太劫？』啊敏一面鄙視目光～

「多事！！拎完就出發啦。」

尋晚確實係劫左啲嘅，啊婷突然一改常性，變到好嘢好痴身。平日想掂下佢都藉口多多，總之就話想第一次留返嚟我地結婚果陣。

唯一就係尋晚，話屋企冇人仲可以上嚟我屋企。結果當然大戰一場啦，估唔到佢係咁淫。

完全唔似係新手～

都估到佢講大話，同ex 兩年有咩可能仲係處？算啦，靚女都係咁架啦。

話時話，今朝一早佢就出左去！！

到底走左去邊？



十六 (其實有16架 ~)

# 十七

『你都有今日啦。』

到底？

「你咪係.....」

見到佢我都呆左。

『怪就怪你識錯左人。』

我連個樣都未望清楚，淨係感覺到自己俾人推左下仲一直下墜。

"我唔會就咁俾你死，你條命要由我親手結束！"

當我以為自己玩完果陣，一隻充滿傷疤嘅手將我拉住。

『Boss, Boss！』啊敏係咁搖我。

「我頭先！？咦，呢度係邊？」回神就返返office。

啊敏企喺我身邊不斷咁搖我～

我幾時拎住呢本嘢架？仲攞住左啊敏！？

啊敏面好紅咁講『做咩喎，咩都唔講就攞住人。你明明就知我一早鐘意你架。』

嘴上傳嚟一陣車喱子味，仲有濕潤感覺。

我同啊敏Kiss？

到底發生左咩事？

「係啦，我地出發啦。」

我試圖推開啊敏，嘗試令個氣氛冇咁尷尬。

『Boss, 唔係！應該叫你啊Sam。我暗示左咁多次貨都冇反應！衰人而家先有啲表示！！哼！』

求求上天唔好俾啊婷知，唔係多多條命都唔夠死！！

「唔好講咁多，渣車去啦。已經好晏，快啲出發。」我拎轉身講。

啊敏上到車就一直痴實我，唔係要開車佢都唔放手。

連安全帶都要我幫佢扣，話咁樣sweet啲！

一陣仲有好多嘢要靠佢，而家唯有順下佢意。

『跟據本嘢，我地第一個去嘅地方係火炭嘅黃竹洋村。』啊敏望住本嘢話。

我打開車上GPS輸入目的地，但係奇怪就係GPS搵唔到我地而家嘅位置。

完全提供唔到路線指引～

仲話咩最新型號～

返嚟實cut左你！！

『Sam，唔緊要！我有地圖。』

啊敏搖一搖手上嘅香港街道圖～

所以話，成功嘅偵探幾時都需要一個幫到手嘅"女助手"。

當然呢樣都唔可以同啊婷講～

路上啊敏一直同我講返鐘意我嘅原因，同點解要幫我追啊婷。

但係我都有點應佢～

由佢自己一個喺度講，我只點頭和應。

啊敏準備都幾周到下，短短半個鐘已經將所以偵查工具準備好晒。

不過奇就奇在，明明出停車場果陣天氣都好好架，雲都有架啲！！

點解入到嚟火炭又會大霧成咁嘅？

『Sam入工業區再轉右。』

照啊敏指示終於到左，不過霧氣就比頭先更重。落車果陣間直可以話係伸手不見五指，視介不良下只有向前行。

啊敏冇跟住嚟？

「啊敏.....啊敏。」

冇人應？

咦！啊敏呢？

# 十八

我行返轉頭果陣就見到啊敏仍然座係車上面唔出嚟，仲用一個好嬲嘅目光望住我。

我望住佢講「妳係咪唔舒服？做咩仲座喺度？」

『話你呀！一啲風度都冇架，落車都唔識過嚟幫我開門。仲有呀……』

啊敏一反常態咁話我，又話我冇男人風度唔關心佢之類。成個感覺佢變左另一個人咁，再唔係之前果個聽話嘅佢。

返去實炒左妳！！

『炒左我？乜你有出過糧俾我咩？』啊敏望住我。

「點解……？」

啊敏指住我話『點解知你諗乜嘛！其實我一早就知，只係我唔出聲啫！！你似住我鐘意你，就當我工人咁洗。』

老實講，公司成立後大多數嘅case都係咁啊敏一手搞掂。要我出手嘅，呢次根本就係第一單。

「唔係咁架……」

『唔係？咁你幾時有當過我係女仔？幾時對過我溫柔？幾時關心過我？』

「咁我有女朋友嘛！」

『果個女人？哈……』

啊敏講完呢句之後就自己落左車。佢拎住本筆記簿周圍咁望。

「妳周圍咁望咩？而家大霧成咁。」

我完全咁被無視，直至一聲巨響。呢一種聲係……鎗聲。

我大叫「快啲伏低，有人開鎗呀！！」

『喺空地伏低有用咩？少爺果然係少爺。』

啊敏對住我冷笑，感覺成個環境突然低左幾度。

呢一種寒係由我內心恐懼而來～

見佢微笑咁話『呢度本來係一個戰場，邊個叫你介入唔屬於你嘅事？』

我驚叫「戰場？香港邊有仗打？我只係嚟查案，想搵返個失蹤嘅人。」

『我知！唔係我都唔會同你一齊嚟呢度。』

「妳到底係邊個？妳唔係啊敏！！」

呢個"啊敏"再對我冷笑～

『你連我都唔認得？我係你師妹啊敏。』呢個人開始大笑啦！！

「妳唔係！！佢唔會用啲咁嘅語氣同我講嘢，仲有妳一定答唔到我地之間嘅事。」

『哈……』

『你仲記唔記得我點幫你搞掂啊婷個ex！？』

## 調查報告(2)：

案發地點相信位於香港某地，但與我們身處的香港卻有所區別。有理由相信Mika等人身處於他們的"香港"。

理據一

Mika ·

就讀之大學。位於火車站附近的只有三間大學。包括：中大，城大和浸大(排名不分先後)。但根據調查員指出，在校學生並沒有一位名為Mika或家蔚之學生。更沒有她同學存在，包括啊婷，Sam 之人等。

理據二

Sam

偵探社。現世界香港確實存在由不同人士成立的偵探社。但各偵探社必須持有有效之證明。跟據資料提供，KC偵探社並不存在於該名冊中。

理據三

Sam 在黃竹洋村所聽見之槍聲。現時香港處於和平時間，並沒有任何戰爭。槍聲絕非平常。

理據四

大帽山的地洞。大帽山為香港最高的山峰，約為九百多米。據了解登山路為可行車的公路，並沒有任何地洞。而且山上電話訊號良好，並沒有任何訊息不良的可能性。

總結：Mika等人並非存在於我們世界

# 啊敏篇

來自906X XXXX 新訊息。

"我係妳以前同班同學啊燦，請問空手道班我可以參加嘛？"

佢係同過我上大中嘅同學，考完final都冇見過佢。

無啦啦做咩搵我？

算啦，多個人返下學會都冇壞。反正果陣同佢交手都覺得佢身手幾好。

"冇問題，我問下負責師兄再覆你"

一陣佢就覆返我，仲問左條好怪嘅問題。

"OK，唔該妳先！另外想問下妳識唔識一個學員叫啊婷？"

啊婷？

唔通係師兄女友？

聽佢講到自己ex 好差，仲周圍唱衰佢～

個人係幾靚女嘅，不過明知我鐘意啊Sam 都仲痴埋去。

仲借啲意走緊問我啊Sam 嘅嘢，我要鐘意啊Sam之類。聽到都想大巴大巴咁打佢。對住啊Sam 發姣咁，都唔知佢想點。

最唔明係啊Sam 點解要揀佢，仲將自己一直flirt緊啲女全部del 晒。

個女人有咩咁好？

既然呢個係啊Sam 選擇，我只好默默咁喺佢身邊守護佢。

佢既偵探社，當然唔少得我去幫手啦！

"會有負責同學聯絡你架啦，等等啦！"

send 完呢個message之後，我就同左啊Sam 講呢件事。

『哈哈... 我而家咪有機會問清楚啲嘢。真係唔該妳啊敏！』啊Sam 笑住講。

「淨係咁炸？你唔怕佢ex 返嚟搵佢向你尋仇？」

『怕咩！我係黑帶嚟。』

佢講完仲拍下自己心口。

「佢正面嚟你都可能唔怕嘅，如果佢早有準備呢？」

唔得，我好擔心！

『咁……』

「暗箭難防。你一於先落手，睇嚟佢果ex仲未知佢點唱衰佢。你一於話晒俾佢知，仲有佢所有衰嘢。再扮到好大量咁接受晒佢所有。我諗佢一時間都唔會接受到。」

唯有用計嚟對付對。

『咁有咩用？』

「打擊佢心靈，佢係我大中同學……」

我將自己對佢既了解講晒俾啊Sam 聲。

啊Sam 聽完喺度大笑『完來係毒撚一條，不過我就係欣賞妳夠毒辣！！』

毒？

毒得過啊婷？

我做嘅所有嘢都只係為左你！！

你又有冇將你嘅目光同留過喺我身上？

『敏，聽日出去查案！』毫不客氣話。

今次啊Sam 咁主動？

仲要冇遲到，仲有時間買埋早餐！？

九成九係為左果個Mika～

算啦，佢寧願喂貓都唔問下我食左嘢未～

"呢個仇我幫妳報！"

？

啊敏篇完～



# 十九

「妳真係啊敏？」

突然之間腦海裏面衝入左好多屬於啊敏嘅感覺同記憶。一時間我都反應唔到過嚟，淨係將目光停留喺佢身上。

「對唔住，我以後會好好對妳.....」

『哈.....』

"你唔係有啊婷嘅咩？想一王二后？"

呢把係啊敏嘅聲，仲要好直接咁傳入我腦入面。

「我會同佢講清楚。」

"你呢啲咁嘅男人，見一個愛一個。"

語氣充滿住鄙視味道～

今次係男聲？

『你要證明？得冇問題，我幫你同啊婷講清楚。』啊敏笑住講。

周圍嘅空間冇晒顏色，眼前只見到啊敏同佢身後一個人。

到底佢係邊個？背影睇嚟佢同我應該差唔多年紀，而且仲有啲瘦。

個腦話我知所有事都係佢搞出嚟！！只要捉住佢，一切都會回復正常。

滴答.....滴答.....

唔洗兩秒我已經捉住左佢，周圍都變返正常？

藍色嘅天空，冇霧氣包圍嘅黃竹洋村。

佢對住我笑，有種莫名其妙心寒～

啊敏用緊我部電話同人講嘢！？

『啊Sam 話唔再鐘意你，而家同左我一齊啦，bye bye。』啊敏講完之後就對我奸笑。

將部電話拋返俾我。記錄顯示頭先佢係同啊婷講嘢，仲講左成十五分鐘。

"好好享受呢五秒"男聲道。

1...2...3...4...5

整個世界再一次充滿霧氣，啊敏同個男仔都消失左。

我失控咁大叫「喂！到底發生左咩事呀？點解要咁對我。」

"你有命上到山頂嘅，咪話你知囉。唔知你個好女朋友會唔會嚟救你呢？"

呢刻我分唔到佢到底講緊我邊個女朋友～

啊敏？啊婷？定係.....？

"俾多個提示你，你呢個女朋友幾靚架。不過點都好，你要為自己過去負上責任。"

把聲消失左之後，我決定要照佢講上山頂，因為我根本冇選擇權。

後面冇退路？

一個深不見底嘅大坑，仲要見唔到對面。

"點解你要咁狠心，咁對我？"

又一把女聲傳入我個腦，好哀怨～

霧氣間出現左把聲嘅主人，佢係啊敏？

唔係，呢把聲係佢～

「妳係.....，對唔住。」

鎗聲～

Sam 篇完～

## 二十

電話響 ~ 90XX XXXX

呢個到底係邊個？

完全冇記錄 ~

"你係啊燁女友。"

「你係邊個？」我疑惑地問。

電話對面係把女聲，聽落好熟不過又講唔出佢係邊個。

"我知道啊Sam 去左查佢，而家仲有啲事。"對方語氣好平靜。

聽到呢句，我知道佢係邊個。一個為左自己就可以出賣身邊所有嘢既女人。

「所以呢？」

"唔知話你蠢定咩好....."佢冷冷咁笑一聲再話"估唔到佢會揀左個咁蠢既女人做女朋友。"

「你而家想點？」

"唉 ~ 同你講嘢真係好晒時間..."

完全係高冷感覺 ~

到底佢想點？

真係講到我扯火 ~

「講你就講清楚啲，唔好扮晒高深咁。你晒緊我時間呀而家！！」

嘆氣聲"打得嚟當然同你有關啦，同你有親呀？"

好想打佢兩把呀呀呀呀.....

"我諗啊Sam 為左查佢出左意外，佢地而家可能一齊撞到啲嘢 ~"

撞到嘢！？

"Mika, 家蔚！唔好聽佢講！！佢講呢妳架，千祈唔好信佢！！"又係小燁同我講嘢

點解本薄喺度架？

明明放低左俾偵探社架！！！！

不過今次我忍唔住對住本簿大叫～

「夠啦！！  
你到底去左邊？成日都突然出嚟講句嘢！？到底你想點？知唔知好真係好辛苦好掛住你？」

"對唔住，家蔚。對唔住，總之唔好聽個女人講嘢。"

「我唔想再聽啦！！」

一怒之下，本簿俾我扔左落地～

"你同邊個講嘢？"電話筒話。

「同邊個都唔關你事掛！」

"我知道你聽到啊燁把聲，佢叫你唔好信我。" 個女人繼續話。

What?????

## 二十一

「點解...？」

我未問完之前，個女人已經答左我～

"以前我同佢一齊果陣，佢間唔中都會咁同我講嘢。"

吓？

「冇可能，我點會唔知？」

"你？哈哈～同佢一齊左幾耐呀？你真係好了解佢咩？"冷嘲聲。

呢半年間，小燁真係對我好好。

每樣嘢都係以我為先～

冇Miss call,冇遲到～

總之佢一定會第一時間幫我～

係果個女人講得啱，我地只係一齊左半年。永遠只係小燁幫我，從來我都有去問過關於佢嘅事。

我真係唔想承認，呢個女人確確實實比我地一齊更耐，比我更加了解佢。

我真係無言以對「我.....」

"冇聲出就聽我講！我確信佢地而家喺大帽山....."

「.....你點會知道架？你又知小燁嘅果度？」我開始失控。

佢仍然非常平靜"啊Sam 個電話有我裝嘅GPS，

只要佢電話冇熄我就搵到佢。至於啊燁～所有事都因佢而起，我相信佢係想引啊Sam 上去！"

「咁.....」始終有啲不安。

"唔好咁啦，我地而家即刻去搵佢地。我唔想再有人因為我而....."

???

電話突然斷左線～

呢度係邊度？點解周圍都咁黑架？除左電話個Mon 既光，我根本見唔到有其他嘢。

連開埋個電筒app都係冇用～

我一直向前行，向前行～

沿路都係漆黑一片，咩都見唔到。

好劫～再行唔到

「呢度到底係邊到？」

我大叫一聲之後坐左喺地下喊出嚟。

面上出現隻好暖嘅手抹走我既淚珠～

『Mika, 我唔會俾妳有事。』

眼前嘅背影！？係小燁，佢終於返嚟啦。

## 二十二

眼淚自把自圍咁走出嚟。

但係我都唔理咁多～

衝過去將呢個背影有咁實攬咁實，只係想感受佢嘅呼吸，佢嘅溫度。

「你知唔知我幾擔心你？」

佢不斷俾我拳打，完全冇反抗。

無論我幾大力，佢都唔還手唔出聲。

「做咩唔出聲？仲背住我啎！！」

仍然冇轉身～

佢突然講『Mika

，我知道自己講幾多句對唔住都係冇用。只要妳會舒服啲，少少痛都比唔上妳既傷心。抱歉，我好想見妳一眼，但係唔可以。』

「你知架咩？你知……」眼淚又忍唔住，連聲都沙埋「點會唔可以見我？你而家轉身咪得囉。」

我將佢攬得更加緊～

『呢一個係規條！！我真係唔可以……』

小燁全身都震緊仲越講越細聲，睇嚟佢真係冇辦法～

『係時候帶返妳出去啦，要好好生活搵一個可以交附終生既人。記住照顧我地啲子女。可以應承我嗎？』

我受夠啦！！！！！！！！！！

「點解到左而家你仲係咩都唔講？」

點解你永遠將啲嘢收埋唔話俾我知？

你咁樣真係好自私！！！」

對住背向我既小燁尖叫完後，周圍都恢復正常？

"你有冇聽我講嘢架？"

同我講嘢嘅再唔係背向我既佢，而係喺電話筒傳出嚟討厭既女人聲。

我真係唔想應佢～

就喺同時，小燁又同我講嘢"Mika，叫啊婷去接返佢男友。仲有呢樣係我最後送俾妳嘅禮物，有需要果度佢會幫到妳。"

小燁講完之後就有條羽毛樣嘅頸鏈掛左喺我條頸度～

你仲係咩都唔肯講！！

成日做埋啲令人擔心嘅事，對底有冇當我係你女朋友？

就係呢一下，條頸鏈發光～

咦！！呢度係？

係小燁同我表白嘅地方？



## 回憶:2

呢度係！！

大堂落地玻璃外面係一幅金色既圖畫。每一粒沙都閃閃發光，仲有就係海平面上既晚霞～

呢度真係好靚～

就係我睇緊外面果陣，耳邊傳來旋律～

Fly me to the moon to .....

雖然我未聽過呢首歌，但係俾人一種好舒服好放鬆既感覺。

就好似跟住首歌個主角慢慢咁飄～

飄到去寧靜既月亮，同自己鐘意既人互相依靠，一齊回望繁忙既地面。

呢個時候小燁慢慢咁行近我向我伸出右手！！

著左suit既佢，成個唔同晒～

『Mika, may I?』

Wonder world hold my hand.....

周圍仲好多貓貓，仲有就係配上柔和既燈光～

成個環境都好浪漫～

話語再唔能夠表達我內心喜悅，只識得伸手作為回應。

就係咁，我俾小燁拖住去舞池中間～

跳緊舞既每一對慢慢退去場邊，俾我同小燁喺佢地身邊行過。

「點解佢地都會嚟既？」

場上不乏我同小燁既好朋友～

榮總同佢個秘書～

都手拖住手啦，仲成日話冇嘢！！

啊禧同丹丹～

雖然身高係有啲差距，不過佢地眼中只有對方。真係好羨慕好幸福。

『就係為左見證住我地呢一刻。你睇下！』

係飛揚同啊月，仲有子霖啊晴！！

以前聽飛揚講啊月既嘢就多啦，真人都係第一次見炸。真係好白好靚，配上全黑既連身裙顯得佢有種淒美感。

絕對唔可以俾小燁見到佢～

子霖同啊晴就抱住三隻貓仔，都係算啦唔好阻住佢地兩個。話晒啊晴專登為左子霖而返嚟。

俾佢地sweet 下先～

「見證咩？」我問。

我塊面都紅晒啦，周圍咁多人！冇理由要我主動掛～

In wonder world I love you.....

『Mika 由而家開始俾我好好照顧妳。無論點我都會對妳不離不棄！呢個係我對妳一生既承諾。』

呢個時候有隻貓貓跳上嚟，口裏面係一支玫瑰花。

場上既大燈慢慢咁向我聚焦，全場都靜晒等我回應～

滴.....滴.....滴

時間好似停左咁，而我個心就跳得好快。腦裏面全部都係"應承佢啦，應承佢啦"，不過又講唔出口...  
... 真係好緊張！

「咩喎～而家求婚咩？做咩搞到咁多人喺度？人地想唔應承你都唔得啦！！」

緊張到我個身係咁郁，咩儀態都冇啦～

『咁細聲，我聽唔到囉！』小燁佢喺我耳邊講。

咦！佢係都要人講架喎～

『不過今次應該係我主動啦，Mika 做我女朋友好嗎？唔好離開我！』

呢下真係開心到流眼淚，我淨係猛力咁點頭回應。

一粒聲都出唔到～

世界就好似得返我同小燁，對望再加上寧靜環境～

我地嘴唇就輕輕咁貼上~

## 二十三

"無論點我都會對妳不離不棄！呢個係我對妳一生既承諾！！"

小燁嘅說話不停咁喺我個腦入面重覆～

條鏈嘅目的相信就係要我唔好對佢起礙心。冇錯！我要相信小燁，佢唔會就咁離開我。

就算係真嘅，我都要佢親口同我講清楚。

電話響～

呢個號碼！？

係果個女人打嚟，肯定係等得太耐收左線啦。

"唔洗整啲怪聲出嚟！你好無聊呀！？"

怪聲？

我一直都冇出聲㗎～

係返去小燁同我表白果下，先講左兩句嘢。

咪住，頭先果下我唔係睇返以前㗎！確實感受到小燁手掌嘅溫度，仲有嘴唇上面既濕氣。

唔通.....

電筒繼續講"喂！你唔好成日都唔出聲好唔好呀！你知唔知咁好冇禮貌架？"

「禮貌？對你要既咩？你問下自己對小燁做過咩先啦！」忍唔住怒氣。

個女人都冇聲出～

「小燁叫我同你講去大帽山接返你男友。陣間兩點荃灣西鐵見。」

講完未等佢應我果陣，我已經收左線。真係唔想再同呢個女人講多句嘢～

雖然小燁話過唔好再搵佢，不過見唔到佢我係唔會死心。

## 二十四

「估唔到你都幾準時架啎～」我對佢冷嘲。

『你都係啫！』

其實我同個女人都早左半個鐘到。

佢個眼袋好勁，睇嚟呢兩日佢都訓得好差～

佢留意到我眼神再講「唔洗再望，自從啊Sam去左查案之後，我就冇休息過。一直周圍嚟啊燁朋友間打聽！」

點解佢要咁做？

唔通佢仲關心小燁？

「點解你要咁做？」我好奇問。

『你以為我仲會關心佢嘛！！冇...真係冇。我係想啊Sam快啲返嚟炸。』

直覺話我知佢講緊大話～

「返正題，咁有咩發現？」

小燁既朋友基本我都搵過晒，不過咩都冇發現。

佢搖頭話『冇！個個一聽到係我就cut線。』

全世界都知你啲衰嘢，係班公先會信你啫。

同佢講講下，啊賢行過嚟向我揮手～

「點解佢都會嚟度架？」我指住啊賢問果個女人～

『唔係佢我點會有你電話？多個男仔照應下唔係更好咩？』果女人質問我。

果然～ 公係呢個世界最唔可靠既生物！

啊賢話『Mika, 今日我係專登嚟幫妳搵返男朋友架。放心，我會好好保護你地既！』

講呢句嘢果下佢好自然咁掃視我全身！！咁多人面前佢都咁，一陣真係唔知點算！？

有佢嚟度我更加擔心～

果女人都唔知係咪有心嘅～

不過冇時間同佢嘈，再唔上去就天黑。

小燁，你會保護我既！係咪？

我摸一摸羽毛樣嘅頸鏈～

## 二十五

今日天氣特別好，就係個天藍到連雲都冇啲果隻。

死啦～

完全唔記得搽防曬，返到去實黑晒～

啊賢喺個袋度搵左支嘢俾我『都知妳心急實唔記得帶架。快啲搽啦，落車果個位都幾曬下！』

估唔到佢都幾細心～

我點一點頭，尷尷尬尬咁伸手接過啊賢既防曬霜。

心裏面對啊賢感覺係好左嘅，不過我已經有小燁啦。

落車後，我地就徒步咁行上山。為既係唔好錯過任何小燁啊Sam 留低嘅線索。

不過啊Sam 係咪同小燁條路一樣呢？

反而個女人全程粒聲都唔出，就好似有好多嘢諗緊。

『啊婷，飲啲水先。啊Sam 佢唔會有事架，話晒佢都係個偵探嚟。』

出聲嘅係啊賢，佢個feel 唔同晒。

對我地又會咁溫柔體貼？

個女人手捉住十字架型嘅頸鏈『你地見唔見到？』

『見到咩？』啊賢話。

「係囉！？」

個女人指住上山嘅路仲好似好驚咁～

但係我地就咩都見唔到，唯一特別嘅係山頂有啲霧。

平日都係咁架啦～

婷大叫『佢行緊過嚟呀！！』

我同啊賢對望再望向前面～

「明明就係乜嘢都冇，係……係越來越大霧？」我疑惑問。

『呀！唔好過嚟呀呀呀呀呀.....』個女人尖叫完就暈左。

『喂喂喂喂！啊婷妳點呀？』

「.....」

『冇計啦咁，扶佢過隔離休息。我報警先啦！』我儘量保持冷靜。

啊賢好熟練咁抱起佢去牆邊。

"電話暫時未能接通"

冇理由嗰，我明明係打999！？

通話記錄都係咁寫，點會未能接通架？

試下打俾啊賢～

"Mika, 妳唔係報警咩？打俾我做咩？"

啊賢疑惑咁望住我～

「999唔通！！」

『冇可能！！』

喺佢試完之後，面上就掛住兩個字"驚訝"

『咁.....我地都唔係行左好遠啫。等我返轉頭睇下有冇人幫到手啦！反正妳有咩事都可以搵到我...』

講完佢就向落山方向行～

五分鐘後，佢就返嚟。

「咁快就搵到救兵？」

佢垂頭喪氣咁『冇回頭路，後面變左個大坑。深到見唔到底，望唔到對面果隻～』



# 啊婷篇

"啊婷，仲記得我嘛？"

「你係邊個？」

邊個同我講嘢？

眼望四周都淨係得Mika, 同啊賢。

仲要每次同Mika眼神接觸佢都會怒視我～

其實我真係唔明點解，我係做錯過。

仲Hurt過好多人～

但係佢地而家唔係幾開心咩？

我只係想搵合適既人啫，咁都有錯？

"妳唔係鐘意我既，點解要俾機會我？"

又係果把男聲～

點解呢？

明明好好天氣，突然黑到想落雨咁嘅？

「啊賢，Mika。好似想落雨，不如避下雨先？」我對佢地話。

佢地繼續向前行.....

「喂喂喂！」

點解佢地好似完全聽唔到我講嘢咁？

我淨係見到啊賢遞支水俾我，仲同我講左句嘢。

咁近我都完全聽唔到佢講咩既？

唔係，一定有啲唔妥！！

"玩我都算，仲要周圍中傷我。到底對妳有咩好處？"

中傷佢？唔通係！？

我個護身符呢？

佢唔係已經自殺左既咩？

唔係呀～ 佢行緊埋嚟啊！！！！

「唔好啊！！」

我認得佢果套衫～

係我送俾佢既套suit。佢迫我見佢，唔見就死嚟我面前。

本身我真係以為佢唔夠膽架～

點知佢就嚟我面前跳左落嚟.....

果日之後，我都冇好訓過。每晚都見到佢死果個樣！

我真係就痴線架啦！！

直到遇到啊Sam，佢話我知佢會一直陪住我。

俾佢攞住真係好有安全感～

我相信啊Sam 就係我要搵既人。

啊Sam 我一定會救返你出嚟，無論點都好！！

可惜今次啊Sam 唔嚟我身邊，而呢個猙獰面孔冇因為咁而停低。

反而係一步一步咁接近我～

「佢行緊過嚟呀！！」

「呀！唔好過嚟呀呀呀呀呀.....」

就嚟佢掂到我之前，個十字架發出紅光。

之後點！？

我坐左嚟度休息？

啊婷篇完

## 二十六

冇幾耐個女人就醒返～

「到底頭先邊個行過嚟？」我質問佢。

唔通啊婷都見到啲嘢？

個女人手指一指十字架型頸鏈～

啊賢嘗試解釋『啊婷妳醒返就好啦，頭先我地真係唔知點算！我地同外界斷晒聯絡。』

『啫係點？咩意思？』

個女人又扮無知，最憎佢仲要扮晒可愛咁～

我忍唔住出聲「你暈左果陣，我地試過落山，點知冇左條路。試過報警同打俾屋企，但係可以接通既就只有我地幾個嘅電話。」

佢低頭諗左諗～

『而家我地冇得回頭，向上行係唯一嘅方法。不過Mika，點解你要咁憎我？呢件事係要而家解決。』

我再忍唔住自己嘅怒氣～

「點解？仲有點解嘅咩？你自己做過咩你自己好清楚嘛！！」

啊婷搖左下頭『我係對唔住過啊燁，但係你地而家唔係好好咩？』

「就係因為你拎人地既感情嚟玩！！啱啱玩正果個就係我細佬。」

佢又好疑惑咁望住我『邊個係……』

個女人講完之前，我打斷左佢～

「就係俾你搞到自殺果個！！知道我點解咁憎你未？」

講完之後個女人再冇出過聲～

擺左個想喊咁嘅樣出嚟～

夠啦！！

又扮可憐啦，真係廢事同佢講嘢。而家冇人幫佢啦，咪睇下佢點囉～

我一定要為細佬擺返個公道。

## 二十七

『你地睇下！！』啊賢指住地下大聲咁講。

係一部Samsung 電話，好似係Note 3嚟。

不過無啦啦又會有部電話嘅？

咦！仲響緊啲，聽電話？

「個電話響緊！！啫係外面打到入嚟？」我好奇問亦再嘗試打俾其他人。

結果都係一樣～

個女人執起部機聽～

仲對住個電話大叫『你到底想點？收手啦好嘛？只要啊Sam 安全，你想點就點呀。』

佢講完之後就拎住個電話行過嚟，再解鎖show 張Wallpaper俾我地睇～

係啊Sam 同佢既合照～

『部電話係啊Sam 架！所以我先.....』

今次到啊賢板起口面『所以諗都唔諗就聽？或者呢度唔係我地熟悉嘅世界。下次有任何決定前可唔可以同我地講聲？』

女人點頭作回應～

啊賢又係幾時變得咁心思細密架？

完全冇左佢咁既本質，真係好奇怪。

不過重點！！

「到底頭先電話果個係邊個？你同佢講果啲嘢係咩意思？」

佢低一低頭再講『喺我答你之前，我想知道一樣嘢！到底你係咪真係有個細佬？』

明知自己害死我細佬，佢都仲要問架啲！

「係呀，咪就係俾你搞到自殺果個！」

佢呆左呆咁望住我『佢叫咩名？』

「佢咪叫.....」

點解我諗唔到自己細佬叫咩名架？

個女人再講『以我記得死左果個男仔係獨生，而且同你都唔同姓架喎！！』

What???

"Mika 千祈唔好信佢！！佢講大話架！"

又係小燁把聲～

我好亂！到底邊個先信得過？

到底我係咪真係有個細佬？

呢一刻連我都唔記得，冇印象！！

小燁！！我緊握羽毛樣嘅頸鍊，希望佢能夠俾啲提示我～

冇反應～

我俾唔到反應，只係呆左咁企住喺度。

『Mika，妳點？』啊賢拍一拍我。

「我...我。我唔肯定，淨係有把聲話我知我係有個細佬！！」

『唔好講住啦，你地下果度！！』啊賢手指住路邊既大樹。

望個去果下～

個女人一路跑，一路大叫『啊Sam,啊Sam。』

真係啊Sam 嚟！但係.....

佢俾人綁住左喺棵樹上面～

『快啲救佢落嚟先啦！！』個女人對住我地大叫『啊Sam 你唔好有事呀！！』

『Mika，喺我個袋度拎把刀出嚟。』啊賢對我講。

冇理由... 真係冇理由！！平日怕事既啊賢呢？

平日佢一定會呆左喺度。仲要打佢都唔識郁果隻～

點解佢會咁奇怪？

變到咁溫柔，咁勇敢？

算啦～都係救人先！

「呢把刀咪係小燁既.....」我怒視啊賢「點解你會拎左小燁啲嘢架？」

佢低住頭完全唔出聲～

「答我呀...答我...答...」我又忍唔住自己既淚水～

我拎住小燁既匕首慢慢行近啊Sam，個女人仲係背對住我！！

好機會！！為左細佬，為左小燁。

我將匕首喺刀套慢慢咁拔出嚟，對準佢條頸。

用力狠狠將刀刃插落去之際，啊賢衝過嚟為佢擋開我。

「做咩要阻住我？」我怒斥啊賢。

啊賢冇答我，面上表露出痛苦表情。

而且我感覺到冇啲液體流向我手心。

係血！！啊賢既血！！

佢為左個女人，不惜受傷。

喺佢後面竟然係啊敏！

一個睇起嚟同我地差唔多大既女仔～

但佢雙手有對長長血紅利爪。

"我係唔會俾你傷害啊Sam 同佢所愛既人！"聲音直接傳入我心中。

係個女仔同我講嘢？

"係我同你講緊嘢！凡係傷害佢地既人都要死喺呢度！！"

佢行緊過嚟！！

我嚇到跌低左～

試圖以地上嘅碎石拋向佢，阻止佢行近我～

不過全部都係喺佢個身中間通過再應聲落地。

「啊婷·啊婷！」我嘗試向個女人求助。

『乜你都識得去求我既咩？你唔係我憎我既咩？』個女人得戚咁講～

「我求……」

未講完果下，個女人口吐鮮血～

.....

.....

.....

佢身上出現一隻鮮紅色的血爪，將佢成個舉起！！！！！！

佢慢慢咁變成碎片，飛散～

隱約聽到佢最後一句話『小燁，對唔住。』

未反應得過嚟，啊敏又行過嚟啦！！



## 二十八

"Sam 你自己睇清楚！佢跟從來冇放低過ex。為左佢，你真係願意犧牲自己咩？"

啊敏揮一揮手將啊Sam 放出嚟～

『願意，因為我愛佢！』佢用肯定目光望向個女仔『我願意用自己既生命換佢返嚟，只要佢冇事，你地想我點都可以！』

周圍霧氣開始消散～

個女仔雙手掩住自己雙眼"到底有我有咩及唔上佢？點解果陣你要玩我？點解...點....."

『對唔住，以後就等我陪住妳。作為少少補償。我只有一個條件，就係放過啊婷啊敏。』啊Sam 攞實個女仔～

"好！不過我要佢地死嚟呢度，仲要你親自郁手！！"

佢示意啊Sam 執起地上小燁把匕首。

我望住訓喺地下既啊賢再大叫「既然係你地既事，點解要拖埋我地入嚟？關我地咩事呀？」

啊Sam冇理過我，執起把刀對我同啊賢目露凶光！！

「小燁！！對不起，我失約了！」

我合上雙眼去迎接自己最後一刻～

滴.....滴.....滴.....

幾秒過後，我仍然未感覺到自己身上有任何痛楚。

唔通死前係唔會有任何感覺既？

『妳應承過我無論如何都唔可以傷害Mika 架！點解妳要咁做？』

呢把聲係！！??

聽到呢一句，下意識望下到底係邊個！

小燁把聲，竟然喺啊賢度傳出嚟！？

## 二十九

大霧散開果下，有把好尖銳既女聲大叫！！

『呀.....』

眼前啊賢同啊敏都應聲跌低，喺地下露出好痛苦表情。

唔夠兩秒，佢地郁都唔郁下～

「賢，賢！你唔好嚇我！！」我手推喺地上既啊賢～

但佢連呼吸都冇！！！！！！！！

「呀.....」我嚇到大叫左出嚟。

啊敏佢同啊賢一樣都係面無血色。

啊Sam

就跪左喺佢身邊痛哭「敏，對唔住。係我冇好好珍惜過你。你唔好離開我，偵探社冇左妳唔得架。」

我睇唔落去，意識下叫我拎個電話出嚟求救。

999，一下就通左啦。我講出我地所在位置同發生咩事後，佢話會派直昇機接我地走。

結果，我都係搵唔返小燁！？

~~~~~

滴滴滴滴滴，沙.....

明明天氣咁鬼好，點解會無啦啦落雨架！？

睇嚟仲要唔細雨有排落果隻～

「Sam 不如避雨先！反正我都做唔到啲乜架啦！！」我話。

點知啊Sam 對我怒吼『點解妳可以咁平靜當咩都冇發生過架？啊婷同啊敏佢地.....佢地.....』

啊Sam 忍唔住自己淚水，喊到講唔落去。

佢既心情我好明白，不過好奇怪.....

奇怪喺邊！？

我一啲傷心都冇？

返而係咁平靜既????

雨水自由咁拍打地上兩人既身體，我竟然有種好安心既感覺？

我平靜講「Sam, 不如拉佢地去避雨先。由佢地咁淋好似唔係咁好。」

佢都點一點頭回應，我諗佢喊到把聲都沙晒。

嘩！落雨落到個天黑成咁既！？

唔理啦~

但當我同啊Sam 分別掂佢地個身體果陣.....

竟然有一男一女由佢地身過走出嚟!!!

What??????

# 啊燐畫面

「死臭禧！行啦，仲掛住影。」小燐佢吼禧抱怨。

啊禧回答『行山都唔影咁幾時影呀？返學校影咩？』

見到小燐無奈咁等啊禧～

過左十分鐘到先再出發～

「喂！睇下。」小燐手指向荒廢已久既建築物「不如入下去？」

外牆睇落去已經好恐怖～

瘀血色既外牆，被破壞既冷氣機，散落一地既雜物。

就算而家企喺小燐後面都覺得裏面有人望住我咁～

一種唔受歡迎既感覺！！

成個人都起晒雞皮～

『等我影低佢先！！』啊禧拎出相機『咦！部機做咩？點解搵左都有反應架？』

下..... 唔係掛...

「唔係掛，我用電話影啦。冇鬼用。」小燐喺褲袋拎出電話嘗試「死啦！！點解部電話咩反應都有架？仲要有晒訊號既。你點呀？」

『我果部都係呀！快啲走啦！！』啊禧好驚咁答。

好快佢地就離開左果度，仲越行越快～

小燐先開聲「好彩朝早炸，咁邪既。」

"邊個叫你地咁多事？"女聲

有個女仔企左喺佢地後面～

佢咪係果個女仔！！

「臭禧，你聽唔聽到？」小燐問

啊禧好驚咁講『聽到呀，聽到呀。仲有，頭先影果啲相全部都變晒黑色開唔返。』

小燐快啲走..... 不過我點叫佢都聽唔到...

而家就好似睇帶咁 ~ ~

「唔好理啦，而家沿麥徑行返出去。」小燁冷靜咁講。

以我所知，麥理浩徑應該都係大路嚟。事關我都跟小燁行過幾次。

但係小燁佢地竟然行左佢懸崖邊？

四周都仲要有麥徑標緻 ~

『冇理由架！！應該係大路嚟架啎。』啊禧講。

小燁指住山邊小路話「係果度架啦！你睇下，地圖都係咁寫。我個腦都係咁講。」

啊禧只好無奈咁跟住小燁行 ~

路上動物見到佢地都會好驚咁逃走！！

而佢地越行就見得越多墳墓，好似俾人帶住佢地咁。

『臭燁。唔對路啎。麥徑唔係咁架！』啊禧話。

唔係呀.....

小燁冷漠咁答「係呢度架啦！上次我毅行者都行過。信我啦...」

總之都係果句.....信我啦...

# 三十

佢地出嚟果陣係互相對峙既樣～

不過～～

「小燁！！」

今次佢再唔係背對住我，而家轉身對我微笑。

「你知唔知.....你知唔知.....」

我太興奮啦，興奮到連說話都講唔清。係咁流眼淚～

將小燁緊緊咁攞住～

小燁佢溫柔撫摸我既長髮『Mika, 我咪講左唔好好嚟既！做咩要咁執着？』

「因為要你履行當日既承諾！」

我將佢攞緊～

偶然間發現..... 果一隻充滿傷疤既手～竟然係.....小燁隻手嚟。

『Mika, 我諗妳已經發現左... 對唔住！』小燁低住頭咁講。

我一路攞實小燁一路講「咁又點啫？你而家跟我返去咪得囉。我地返去一齊生活。叫埋飛揚子霖一齊去玩啦。係啦，仲有啊月啊睛。」

小燁完全冇出過聲，只係攞得我更實。

『恩愛時間夠晒鐘啦我諗！』果個女仔出聲

佢既視線慢慢由小燁身上轉至我身上～

然後再講『當初係你要求我俾力量你報仇，話咩後果都冇問題架。唔通你而家想返口？』

『係我係咁講過，但唔代表你可以傷害Mika。唯有佢，我係唔可以.....』小燁未講完。

佢就再一次伸出佢雙手既長爪向我衝過嚟～

「你想點.....呀呀！」佢太快啦，我跟本就嚟唔切反應。

又係冇感覺既？

但今次我本能咁流左眼淚～

因為我見到既係小燁用自己身體緊緊咁攞住我，為我擋下呢一記。

而佢自己就...就.....

身上留左條好長既傷痕！！

『我話過對妳既係一生承諾，哈。不過對唔住我先行一步。我愛妳，家蔚。生存落去，完成我最後既願望』小燁安慰我咁講。

但佢個傷口跟本深到止唔到血～

「唔好，拋低我自己一個。」眼淚跟本就停唔到。

我由哀傷目光轉到仇恨眼前呢個女人！！

個女人講『唔洗咁望住我，下一個就係你。』

我知道自己跟本冇能力逃走～

我更加唔願意放低小燁～

我決定拾起起上匕首向呢個女人復仇！

.....

.....

...

身體被長爪刺穿，眼見自己既鮮血喺地上抗散。

「好痛～我而家嚟陪你啦，小燁。」

唯一想既係再掂下小燁～

但係～

「呀！！」

個女人重重咁踩住我隻手～

仲講『咪話左恩愛時間已經結束咩！Sam 我地走。要你做.....』

意識開始流走.....

世界開始變得白茫茫～

"佢用上自己生命嚟換取妳一次選擇，記住妳只有一次機會。"

「到底又係邊個？」

"呢層唔重要，最多....."把聲諗左諗再答我"最多話俾妳問兩個問題！"

「小燁而家點，佢喺邊？」諗都唔諗就問左呢個問題。

"佢咪幫妳擋左下咩？"佢好冷靜咁講。

小燁死左？

佢真係死左？

控制唔到自己眼淚「唔會係真架。唔會架.....」

"呢個係事實，無論妳信定唔信都好。好啦，快啲問埋第二條問題。"聽得出佢有啲唔耐煩。

係啲！！！！

啊賢呢？

仲有啊Sam？

啊敏又點呀？

到底發生左咩事？

小燁又點會咁架？

把聲輕挑咁話"嘩！妳一次過咁問多嘢唔啱規矩啲。算賣次大包，見係佢連條命都俾埋我，哈。世界上竟然有人咁傻。為左人地幸福而犧牲自己。"

語音一落，世界再唔係白茫茫咪都冇。而係一條山路。

係小燁同啊禧行山果日...



# 三十一

可能只係片段關係～

我跟左佢地喺個山度不斷打轉都完全唔覺得劫，不過.....

『死啦。我地係咪行過呢度，不如行返上去啦！』啊禧自言自語。

冇呀... .. 我一直跟住你地。

小燁講「沿住前面條水路轉灣行。」

點解小燁咁清楚呢度既？明晚偏離左原定路線架...

『唔係呀！我地行過呢度架..... 好邪！密林點會咁凍架！』啊禧不斷對小燁講。

佢講得冇錯，呢度真係異常既低溫...

溫度低到連我都感覺得到～～

佢地冇停過步。

兩個鐘後，佢地終於行到"有屋"既地方。

果度啲屋跟本就全部都荒廢晒～

小燁充滿信心拍一拍心口咁講「都話冇信我冇錯架啦，睇下！果度啲屋開晒燈架。我入去問下人到底點出返去。」

咩話邊有燈？？..... 小燁唔好過去.....

遠距離我而經見到有個身影.....

係果個女仔..... 想殺死我地果個.....

停呀！停呀！唔好入去！！！！

但小燁直接穿過我行左入去～

..... 小燁..... 我救唔到小燁.....

~~~~~

畫面由間屋變返做白色既世界～

"咁妳而家知道所有嘢既起因啦！"

眼前既無數既光點聚集埋一齊而慢慢形成個身影～

佢繼續講"咁妳而家願意做選擇未？"

縱使所有光點聚集後，佢都只係得個灰灰地既人型～

唔好話樣，連佢性別都分唔到！？

「未！我仲有好多嘢未知，搞清楚前我係唔會做任何選擇！！」我好肯定咁講。

直覺就我知，只要唔答應佢～

佢就要一直回答我既問題...

如果唔係咁，佢就會一直由我喺度～

佢雙手抱住自己個頭"呀！有咩就快啲問啦.....問啦！"

果然～

「我想知小燁同佢約定係咩？本簿又係咩一回事？」

呢兩個肯定係大家想知既事！！

"okok"

畫面一轉.....

## 啊燁畫面: 2

又係去返果間屋！！

『冇人叫你地咁多事，我已經警告過你地。點解你地仲要影相？』個女仔好嬲咁講。

「警告？我想問下點出返地鐵站炸！！冇特別架。打擾妳真係唔好意思。」

小燁對佢講嘢都咁溫柔既.....

唔知點解嬲嬲地～

突然個女仔伸出一對長爪指向小燁！？

小燁亦都拔出匕首！！

『乜你真係覺得有能力同我鬥咩？』

個女人好輕挑咁講～

眨下眼，佢雙爪已經放左喺小燁頸上！！

放開小燁..... 我嘗試將個女仔拉開！但始終都係喺佢中間穿過～

「妳唔係人??」

『乜你見過人有咁既爪咩？』

睇真佢雙爪真係好可怕.....

血紅色，仲要比手臂更長～

銳利度.....我自己用身過感受過～

「我都到底做錯咩？係咪到先個廢墟？  
唔關我朋友事！提意影相同話入去果個係我。」小燁冷靜咁講。

唔係咁架... 點解你要咁講.....

你要履行對我既承諾架！！

『冇！其實平時都有其他人嚟。只係你地揀左係今日！』

個女仔指向天空～

一個血色既月亮.....

\*咁多年先一次既血月都俾你地遇到，算係你地唔好彩。你地條命我就要梗...』

.....

.....

...

小燁突然對佢反撲～

將匕首狠狠咁插入佢心口！！

叻仔！！快啲帶埋啊禧走啦！！

『哈哈哈哈哈！好嘢...好嘢"』佢拍起手咁講『俾你走又點話，不過佢呢？』

佢指去牆邊，然後出現左個畫面～

！！！！！！

竟然係我嚟？

我仲喺度上緊堂，啊賢係咁煩住我果陣！！

小燁呆左咁話「妳想點？只要唔好搞到佢，妳話點就點！」

唔好呀..... 唔好咁做。小燁你唔洗理我架..... 嗚...

『

爽快！我唔會就要你死，我會幫你報左仇先既。好啦！帶返你個朋友出返去，見埋你屋企人最後一面。希望唔會有人多事.....』

個女仔消失左.....

原來小燁一切都係為左我.....

點解佢要咁傻.....

嗚嗚嗚～

# 啊燁篇

聽完佢咁講，我仲可以點？

可以反抗咩？

得我自己一個真係冇所謂，但我唔放心Mika.....

一個同我最夾得嚟最愛既佢～

我地都曾經被傷害，被背叛.....

呢一生，我唔想佢再受到任何傷害。

最衰都係果啲背叛我地既人～

"係囉，咁咪啱囉。背叛你既人根本唔應該再存在喺呢個世界上面！佢地全部都要死！！"

「乜咁快就搵我呀？未夠時間啎！」

個女仔知道我諗法～

所以我講既嘢佢應該都知道。

"係，冇錯。提你要聽日返嚟啫，仲有記住一樣身邊既嘢用嚟連接呢個世界....."

「Sorry, 我有諗過要咁～

妳要既係我條命就夠！！」

佢聽到我咁講都呆左下"真偉大！或者你報完仇我會放過你呢？因為我地既敵人係同一個人。"

有張卡片放左喺我枱面～

\*KC 偵探社 啊Sam\*

佢喺我exchage果陣搶走左啊婷！！

而家終於都有機會！仲有果個叫啊敏既女人！！

~~~~~

我一於就將張卡片放入本簿入面～

我諗知道本簿既秘密.....應該都係得佢架啫～

我唯一冇辦法對佢履行諾言既佢～

對不起.....

仲有要諗個保護到佢既方法！！

係啦！就係要佢離開我！！

拎起電話準備打出去.....

唔得.....都係唔捨得佢～

我竟然會留眼淚？

就連啊婷離開我果下都冇.....

再聽佢把聲我會唔捨得，絕對唔可以累到佢！！

Whatsapp... 唯有係咁～

再見，我最愛既妳。我最愛既屋企。

冇幾耐之後我就返到個女仔間屋～

『你都幾準時啎！做咩咁既樣？放心我唔會要你去死。』

下？唔係要我條命？

『我改變主意，只要你幫我帶啊Sam 嚟呢度。我就俾你見返佢，當係交易如何？』

唔可以.....唔可以俾佢傷害到Mika...

"我應承你，唔會傷害佢。"

咁好.....

"爽快！而家我會俾你兩樣能力，不過只可以用嚟引啊Sam 上嚟。當然，女朋友仔有危險都可以幫下手。但唔可以見佢...』

第一種能力，透過心靈同佢講嘢。但我諗你要練下先掌握到。

第二種就係植入恨意冤魂，一種想殺死對方既仇恨感。"

嗯...暫時未知啲能力有咩用.....唔理住～

『你女友嚟搵你啎.....』

啊燁篇完

## 三十二

原來小燁做咁多嘢都係為左我～

點解佢唔為自己諗下？

為我就犧牲自己？

知唔知咁樣好自私？

令到關心你既人好難過～

『佢係覺得對你唔住啫，同你開始本身就係一個錯誤。』

係啊婷！！

「乜你唔係……死左架咩？」

『係啊Sam

用自己換我返嚟。而我冇左啊Sam都唔想再生存落去。呢個機會就留返俾你，當係我對你既補償。』

補償？咩補償？

『係我離開左啊燁，佢先會同你開始。乜你認為你同佢既感情會多得過我地？』

我怒火中燒話「我唔知……但我同小燁既感情絕對唔會係假，更唔會比你呢個賤人少。」

啊婷低頭不語～

漸漸喺我面前消失～

為左自己開心就粒聲都唔出就搵左第二個！仲好意思話自己感情唔比我地少？

「喂！我已經決定好左要點！！」我對住影大叫。

我要證明俾呢個女人睇我同小燁既感情比佢地之前更好更穩定！

把男聲"咁妳想點做？"

將時間調回小燁未同個女人開始之前，就算佢同小燁一齊左。但最後點都會再同返我一齊！！

男聲笑住講"好！所有事都會由另一個時空再發展，你地係唔會有任何記憶。當然唔會記得你既存在。可以嘛？"

可以！我有信心，小燁會再同返我一齊。



眼前充滿紅色強光！！

當我打開眼果陣～

呢度係？？我屋企！！感覺咁怪既？我個頭好痛！！

係啦·我叫啊盈！

「喂！你跟我落去拎嘢飲！！」我對住呢個第一次見既男仔叫道.....

[全文完]

## 後記

呢個故事可以話亦真亦假，點講好呢！  
個故起因係由於本人同友人行山所見所聞改篇而成。  
當日我地都好怕真係會返唔到落山架～～

至於人物設定～～  
就由大家去估下啦，只可以咁講！大部份都係真既，只有少部份係由我去幻想啦。。

有咩想問想講不妨留個言，感謝大家支持。

年宵比卡超上